

## **LO BLONG MEKIM MAN NA MERI I STAP WANKAIN**

TOKSAVE.

Planti taim igo pinis ol man save skelim meri na luk daun long ol insait long ples na hauslain long wanem castom bilong yumi givim tingting na stia.

I gat plenti bikpela kibung ol holim long olgata hap long world long pinisim dispela pasin tasol em I no inap long pinis.

I gat strongpela lo I stap pinis long plenti hap long world long givim tok orit long ol meri I ken karim plenti pikinini, go skul, kisim gutpela save, wok mani na mekim laip blong ol kamap gutpela tasol ol man usim dispela lo long benefitim ol yet na laik daunim na bagarapim laip bilong ol meri olgata taim.

I gat lo I stap pinis long plenti hap long Katri long world long givim wankain raits long man na meri tasol long trupela lukluk bilong yumi, ol man tasol I kisim bikpela helpim long bisnis. Politik, pilai sports na kamap lida man bilong ples, ol meri tarangu ol nogat stret.

HAI EM I TINGTING BILONG GLOBAL GREEN PARTY BLONG OL MERI LONG TUMORO NA BIHAN TAIM.

Mipela laik bihinanim rot blong politik long senisim dispela pasin nogut ol mekim long ol meri. As tingting na driman bilong Global Green Party i olsem, man na meri ol I wankain tasol, man I no winim mak na namba blong ol meri, tupela I wankain tasol.

Fridom I mas stap intsait long politik, bisnis na haus lainlong ol meri I ken kisim helpim. Dispela fridom em I bikpel samting yumi man na meri I mas luksave na holimpas long em. Wankain luksave tu mas I stap insait long politik, bisnis na haus lain bilong ol meri I ken kisim helpim. Dispela fridom em I bikpela samting yumi manmeri mas luksave na holim pas long em. Wankain luksave tu mas stap insait long politik, bisnis, gavmen na skul ples. Yumi mas skelim gut ol wok namel long ol man na ol meri bai ol I ken wok wantaim.

Olgata man na meri long graun mas kisim gutpela skul na tingting blong ol I mas kila long raits blong ol long kisim save long skul, gutpela sait blong bodi na luksave long kainkain makmak insait long laip bilong marit.

Ol meri tu mas holim ol bikpela wok wankain olsem ol man na pay blong wok blong ol meri I mas makim wok ol I mekim wankain olsem long ol man. Nau yumi mas luksave long plenti ol hat na bikpela wok ol meri I save mekim tasol pay ol kisim I no makim wok ol i mekim, pay I liklik tumas.

Bipo I gat kainkain tingting, pasin na wai I no stret yumi save behanim na lukluk daun long ol meri. Mekim ol meri poret, bagarapim ol na paitim ol I mas pinis olgata nau na givim ol fridom na rights blong ol.

BEL NA TINGTING BLONG GREEN PARTY.

Yumi mas givim fridom long ol trangu meri we ol I bin stap kalabus long pasin bilong kastom na bilip bilong tumbuna. Mipela bai wanbel na wok wantaim wanem gavmen I laik bringim senis long kastom. Ol meri nek blong ol I mas gat pawa na yumi mas senesim pasin na bilip blong ol tumbuna we ol I save lukdaun long ol meri olsem ol I nogat namba na yumi lukim ol man olsem ol I gat biknem na strong. Dispela kain tingting na pasin I no stret na I no gutpela olsem na yumi mas pinisim dispela kain karingi tingting na pasin. Bai yumi lukim strong na pawa bilong ol meri long dispela rot tasol we ol I wankain olsem ol man long sampela rot. Yumi mas wok hat na toktok strong long pinisim pasin blong luk daun long ol meri. Long sait blong wok mani, plenti man na meri I gat wankain bikpela save na wokim

wankain wok tasol sampela taim pe blong wok I no wankain, man save kisim bikpela pe moa long ol meri olsem na yumi mas pinisim olgata dispela kain pasin. Yumi mas mekim lo bai I gat luksave long givim strong long ol meri I gat wankain save olsem ol man na mekim wankain wok na kisim wankain pe olsem ol man.

#### ROT BLONG WOKIM MANI

- Salim bodi bilong meri long mekim pasin pamuk long kisim mani. Yumi mas lukluk gut long kainkain rot ol man kisim ol meri na salim skin blong ol long mekim mani na bisnis. Yumi mas putim strongpela lo long pinisim dispela kain pasin.
- Strongpela lo tu mas stap long banisim ol meri husat I laik long salim bodi bilong ol na kisim mani. Yumi mas gat strongpela lo long sapotim na banisim ol meri long dispela wok.
- Yumi mas gat lo long bilong banisim ol ples meri long kamap lida insait long komuniti na wokim bisnis antap long graun blong ol. Nau yumi lukim plenti meri blong narapela kantri wok long kam na kisim gutpela wok na wokim bisnis long kantri blong yumi taim yumi no givim sans long ol meri blong yumi o ol mama graun. Dispela pasin I mas pinis na yumi sapotim tingting bilong gavmen long mekim laip bilong ol meri bilong pes mas kamap gutpela.
- Yumi mas rausim pasin blong skelim na bagarapim ol meri blong ples. Strongim na sapotim lo blong lukautim ol meri I mas go het na yumi mas helpim ol meri long wok insait long program bilong gavmen long mekim ol meri I strong na I gat strong na namba insait long komuniti na kantri.

#### TRUPELA PISKA NA KALA BLONG OL MERI MAS KAMAP.

Lo bilong lukautim na banisim ol meri na stori bilong ol meri long taim bilong wok painim aut long nius pepa, TV na radio I kamapim strongpela tokaut namel long ol man meri long stap wankain mak na namba. Pasin blong ol man I stap boss na daunim ol meri I mas pinis. Man na meri I mas stap wankain na stap long laik blong wanwan.

#### DISPELA EM I LAIK NA TINGTING BILONG GREEN PARTY

1. Tok nogat long putim mak namel long man na meri. Mekim polisi na putim stretpela na strongpela lo long pinisim dispela pasin bilong daunim ol meri na apim nem bilong ol man tasol.
2. Sapotim gavman long bihainim lo bilong helpim ol meri long kamaut na sowim kala bilong ol.
3. Kamapim nupela na gutpela tingting long pait strong na daunim strong bilong kastom na bilip bilong tumbuna I save bagarapim na daunim namba na nem bilong ol meri.
4. Pasin blong skelim ol man o meri long skin kala, wanem hap ol I kam long en na ol I gat nem o nogat nem I mas dai na pinis olgata.
5. Wok bilong femili I no blong man o meri tasol. Lukautim ol pikinini na ol narapela wok blong femili em I wok blong tupela man na meri wantaim. Ol manmeri long haus lain tu I gat wok long helpim ol femili long komuniti. Pasin bilong sutim tok long ol meri na tok olsem ol meri karim ol pikinini olsem na larim ol long lukautim ol, dispela em I tingting blong ol man I no gat gutpela tingting na skul blong ol tumbuna. Dispela kain skul na tingting I mas pinis olgata.

#### MERI I GAT RAIT LONG POLITIKS

Ol meri tu mas makim maus blong ol meri insait long haus palamen. Ol tu mas holim ol bikpela wok insait long gavmen na yumi mas sapotim na luksave long ol raits blong ol. Ol meri ken mekim wankain wok ol man ken mekim na ol ken kamap maus meri long ol bikpela kibung I kamap insait long kantri na ol narapala kantri.

Ol man na meri mas wok wanbel na wok bung wantaim long bringim gutpela sindaun long ol pipol blong ol.

Gavman tu mas gat bikpela luksave long ol organisation I wok long mekim wok blong ol meri I go bikpela na strongim tingting blong ol meri.

#### DEVELOPIM LUKLUK NA TINGTING BILONG TUMORO.

- a. Meri na man wantaim mas sindaun na skelim tingting long kamapim polosis bilong gutpela sindaun bilong ol pipol na I kamap tru long laip bilong ol pipol.
- b. Larim ol pipol luksave long rot bilong bihainim tingting bilong gavmen long mekim gutpela pasin bai ol pipol i ken bihainim na mekim sindaun bilong ol I kamap gutpela.
- c. Makim wanpel namba bai ol meri I ken inapim insait long palamen long taim blong eleksin, insait long politikol pati na public servis.

#### EDUCATION

- Namba bilong ol man na meri I go long skul I mas wankain. Ol text buks blong skulim ol man na meri long kamap tisa na ol text buks blong ol sumartin I mas wankain.
- Sapotim wok blong gavman long ples long givim skul ol o meri long lukautim ol yet long kamap strongpela meri.
- Sapotim wok blong gavmen long ples long skulim ol meri long lukautim ol yet taim ol I bel, rot blong karim bebi lon ples na long haus sik na rot blong lukautim bebi.
- Kisim skul long wanem as blong katim skin blong ol man na meri long passim rot blong karim pikinini. Yumi mas pait hat long pinisim dispela olgata.

#### PASIN BLIONG MARIT NA FAMILI STAP WANBEL

1. Long painim man o meri blong ol yangpela long marit i stap long han blong ol yangpel. Ol i kisim man o meri long laik blong ol, i nogat kastom o lo bai stopim ol long marit. Ol I marit husat ol I laik long laik blong ol yet. Namba wan wok blong tupela papa na mama long femili em blong lukautim ol pikinini wantaim na mekim ol i kamap bikpela.
2. Papamama I gat rait long givim nem long ol pikinini blong ol i makim wanpela memba blong femili bai I gat luksave long hauslain na dispela nem bai pikinini I usim behain taim long ples blong skul na wok ples. Pikinini I gat rait long wokim disisin long wanem hap long kauntri em laik stap.
3. Tupela marit mas wanbel long pasim bel o kisim pikinini o rausim piknini long bel.
4. Gavman mas luksave na sapotim wok blong femili planning bai ol marit ken kisim gut skul long wanem taim meri bai kisim bel o narapela pikinini. Ol i kisim tu skul long rot blong lukautim bodi blong mama bai em i stap helti.
5. Lo i stap pinis long pasim ol mama long kilim ol bebi long bel tasol yumi mas gat luksave long raits blong ol meri na givim ol fridom long wokim disisin. Ol meri i gat pawa long wokim disisin bai ol i kisim bebi o rausim em long bel.

Lo I BANISIM OL MERI LONG OL MAN NOKEN PAITIM OL MERI

1. Lo i stap pinis tasol yumi mas toktok strong long lo mas banisin ol meri bai man I noken paitim na bagarapim ol. Bikpela luksave tu mas stap bai lo mas mekim save long ol man I brukim dispela lo blong paitim ol meri.
2. Long olgata skul o edukesin system polisi I mas stap long skulim ol sumatin long lo blong lukautim meri na noken paitim ol meri.
3. Sapotim lo blong banisim ol meri na wok b long ol insait long kominiti na kauntri mas kisim bikpela sapot na wok mas go yet.